



**KOMMUNALBESTYRELSIP
IMMIKKUT ITTUMIK ATAATSIMIINNERA
MARLUNNGORNEQ ULLOQ 30. SEPTEMBER 2025 NAL. 09:00**

Peqataasut:

1. Gabrielsen, Lars Erik (S) borgmester
2. Napätök', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. ~~Møller, Ole~~ (N) **Naja Nuka Kaspersen**
12. ~~Kleemann, Knud~~ (A) **Karl Markussen**
13. Mørch, Samuel (A)
14. Bro, Niels Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaaq: Nick Nielsen
Imaqarniliortoq: Nick Nielsen
Immikkut peqataasut: Pisortaqatigiit
Nutserisut:
Ingerlannera: Teamsikkut

KOM	QULEQUTAQ	BILAG
	Ilisimatitsissutit	
097	Illumik isatigassamik pisinissamik siunnersuut – Kangersuatsiami illu sullivik	001
098	Sulieqqitaq: Avannaa Development inissiaataanik A/S INI-miik attartornermut akinut aaqqiinnissamut siunnersuutit 2026	002
099	Sulieqqitaq: Inissiaatileqatigiiffik A/S INI-miik attartornermut akinut aaqqiinnissamut missingersuutissatut siunnersuutit 2026	003
100	Nunaqarfinni Aqutsisuniit tunuarniuteqarneq aamma sinniisussamik naammaqqutaasussamik qinersititsineq	004
101	Fundraiser-imik atorfinitsitsinissamut, aammalu nalunnguarfinnik pilersitsinissamut atatillungu aningaasalersorneqarnissaanut misissuisoqarnissaanut siunnersuutit, Heidi Møller (D) aamma Jens Napätök (N)	005

Aaliangiineq:

Oqaluuserisassat akuerineqarput.

Ilisimatitsissutit:

Nukittuneqqusaannissamut immikkut ittumik qinnuteqaat Piorsarsimassutsimut, Atuartitaanermut, Meeqquqeriveqarnermullu Ataatsimiititaliaq 3. september ullulernerqartumik immikkut taperneqarnissamut qinnuteqaammik tigusaqarpoq. Ulloq 16. september 2025 immikkut ittumik Piorsarsimassutsimut, Atuartitaanermut, Meeqquqeriveqarnermullu Ataatsimiititiami suliarineqarpoq akuerineqarluni. Kommunalbestyrelsip immikkut ittumik ataatsimiinnissaanut 30. september 2025-mut utaqqussunneqarsinnaanngimmat Kommunalbestyrelsi sinnerlugu Borgmesterimit aaliangiiffigineqarpoq. Aningaasat missingersuutinieereersut atorlugit tapiineq ingerlanneqarpoq.

Bilag: ORI-01

Aaliangiineq:

Tusaatissatut tinguneqarput.

Sag nr.	Sammissaq	Ilanngussaq nr.	001
KOM 097	Illumik isatigassamik pisinissamik siunnersuut – Kangersuatsiami illu sullivik	Journal nr.	

Eqikkaaneq:

Ingerlatsiviup suliffeqarfik siunnersuisarteq Kangersuatsiami illu sulliviup nutaap sumiiffigisinnaasaanik misissuitissimavaa. Tamatumunnga atatillugu inissisimaffigisinnaasaa toqqarneqartussaavoq. Uanilu Ataatsimiititaliap inassuteqaataa aalingiiffigineqassaaq.

Suliamik saqqummiussineq:

Kommunalbestyrelsi siusinnerusukkut Kangersuatsiami illu sullivimmik pilersitsinissamut aningaasaliissuteqarnikuuvoq. Tamatumunnga atatillugu nunaqarfimmi inissisimaffissat piukkunnartut suliffeqarfimmut siunnersuisartumut misissortissimavai.

Inissisimaffik 1 – Kommunip illuutaanik marlunnik isaterineq
Aaqqiissummi tassani kommunip illuutai marluk inoqanngitsut isaterneqartariaqarput, aamma toqqavissaa annikinnerusumik qaartinneqartariaqarpoq. Inissisimaffissamut 2-mut sanilliullugu ukioq kaajallallugu erngup aqqutaanut kuuffissuarmullu attavilerfissai ungasinnerusumiipput.

Inissisimaffik 2 – Illumik inummit pigineqartumik pisineq
Aaqqiissummi tassani illumik inuinnaap pigisaanik isaterinissaq siunertaralugu pisinissaq pisariaqarpoq. Taanna ukioq kaajallallugu erngup aqqutaanut kuuffissuarmullu attavilerfissanut qaninneruvoq. Ingerlatsiviup illumik piginnittoq attavigisimavaa, taannalu akimik taasisimavoq kr. 100.000-nik.

Aaqqiissutissat siunnersuut – suliamik nalilersuineq

Inissisimaffiusinnaasut taakku marluk misissorneqarsimasut sanaartorneq, teknikki ingerlatsinerlu eqqarsaatigalugit annertuumik assigiinngissuteqarput. Inissisimaffimmi 1-imi kommunip illuutaanik isaterinissaq, toqqavissaanilu ujaqqanik angisuunik qaartiterinissaq pisariaqartinneqassaaq, ukiorlu kaajallallugu erngup aqqutaanut kuuffissuarmullu attavilernissaa eqqarsaatigalugu ungasinnerusumi inissisimassalluni. Nunaqarfinit allanit misilittakkat takutippaat, aaqqiinerit taamaattut amerlasuutigut kuuffissuarmik milittoormermik qerisoormermillu ajornartorsiortitsisartut, malitsigisaanillu ingerlatsinikkut ajornartorsiortitsillutillu aningaasatigut nanertuutaasarlutik.

Inissisimaffik 2 inuinnaap nammineq illuanik pisinissamik isaterinissamillu imaqarpoq, taannalu ataatsimut isigalugu aaqqiissutissat naapertuunnerpaatut isikkoqarpoq. Illu pisariitsumik isaterneqarsinnaavoq teknikkikkut ajornartorsiuteqarfiunani, aamma pilersuineri aqqutinut attavilernissaanut periarfissaqarluarpoq. Inissisimaffik 1-imut sanilliullugu aaqqiissut taanna akikinnerusussatut, ingerlatsineri qularnaannerusussatut siunissarlu eqqarsaatigalugu pitsaanerusussatut nalilerneqarpoq.

Ingerlariaqqinnissaq

Inissisimaffik 2 toqqarneqarpat pisinissarlu kommunalbestyrelsimi politikikkut inaarutaasumik akuerineqarpat, taava ingerlatsivimmiit pisinissaq, isaterinissaq pilersaarusiorterullu ingerlariqqinnissarlu isumagineqassaaq, inissisimaffik 2-mi sananissaq siunertaralugu.

Aningaasatingut kinguneqaataasinnaasut:

Illup pisiarinera kr. 100.000-nik aningaasartuutaassaaq, tamatumalu saniatigut isaterinermut aningaasartuuteqassalluni. Aningaasartuutissat ataatsimut katillugit illu sullivimmut missingersuutit sinaakkutissaasa pioreersut iluanni matussuserneqarsinnaapput.

Inatsisitigut toqqammavigisaq:

- Kommunit aqunneqarnerat pillugu Inatsisartut inatsisaat nr 29, 17. Novemberi 2017-meersoq
- Pilersaarusiorneq aamma nunaminertat atorneqartarnerat pillugit Inatsisartut inatsisaat nr 17, 17. novemberi 2010-meersoq

Suliamik isumanginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimut Ataatsimiititaliap aaliangiinera:

Ingerlatsiviup Teknikkimut Ataatsimiititaliamut inassutigaa:

Illu sullivik inissisimaffisaq 2-mut inissinneqassasoq, Kangersuatsiami illu pisiarineqassaaq isaterneqarlunilu aamma

Illu 100.000 kr.-inik akilerlugu pisiarineqarnissaa akuerineqassasoq, missingersuutillu iluanni aningaasartuutigineqarluni

Aaliangiineq:
Akuerineqarpoq.

Aningaasaqarnermut Ataatsimiititaliap aaliangiinera:

*Teknikkimi Ataatsimiititaliap Aningaasaqarnermi Ataatsimiititaliamut inassutingaa
Teknikkimi Ataatsimiititaliap aaliangernera ilalerneqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap Kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 001-01: Inissisimaffik 1
Bilag 001-02: Inissisimaffik 2

Aaliangiineq:

Akuerineqarpoq.

Sag nr.	Sammissaq	Bilag nr.	002
KOM 098	Sulireqqitaq: Avannaa Development inissiaataanik A/S INI-miik attartornermut akinut aqqiinissamut siunnersuutit 2026	Journal nr.	

Uteqqiineq

Kommunalbestyrelsip ulloq 12. september 2025 ataatsimiinnermini piumasaraa ineqarnermut akiliummut qaffaanissamut appaasoqarpat aserfallatsaaliinissamut kingunerisinnaasaanik saqqummiusisoqassasoq aammalu inatsisitigut toqqammaviusut misissorluarneqassasut attartortitakkanut piginnittut isertitassatigut matussusiisarnermut pillugit. A/S INI aammalu inatsisilerituup inatsit toqqammaviusut saqqummiussaa tapitaliullugit sulireqqitassanngortinneqarpoq. Uanilu tamarmik ilanngunneqarlutik siuliani inassuteqaat allanngortinnagu isummerfigisassanngorteqqinneqarput.

Suliap saqqummiunnera

Avannaa Development A/S-ip ullumikkut Avannaata Kommuniani inissiaataasa attartortittakkat ilarpassui pigivai. Ukiup siuliani ineqarnermut akiliutit 3,0%-imik qaffanneqarneri akuerineqarput. Taanna qaffaaneq iluaqutaasimavoq, aningaasanilli pisariaqartitsinermut sanilliullugu naammassimanngilaq. Avannaa Development A/S aamma Avannaata Kommunian Namminersorlutik Oqartussanut pisussaaffilersimapput ineqarnermut akiliutit aserfallatsaaliuinnermut il.il. aningaasartuutitut naapertuutissaut, taamaalilluni ingerlatsivik kommuniluunniit inissiaqarfinnut aningaasatigut tapiissuteqassanatik. Tapiissuteqarneq taamaattoq inatsisitigut tunngavissaqanngilaq. Tamanna tunngavigalugu Avannaa Development A/S-ip qinnutigaa ineqarnermut akiliutit INI A/S-ip matuma ataani siunnersuutai najoqqutaralugit qaffanneqarnissaat Avannaata Kommuniata akuerissagai:

Avannaa Development A/S-ip siulersuisuisa inassutigaa, aningaasanut missingersuut naapertorlugu:

- Immikkoortortami 12-325-imi ineqarnermut akiliut 3,0%-imik qaffanneqassasoq
- Immikkoortortami 12-327-imi ineqarnermut akiliut 3,0%-imik qaffanneqassasoq

Inissianik ingerlatsisup INI A/S-ip attartortut ilisimatissavai Inissianik attartortitsisarneq pillugu Inatsisartut peqqussutaat naapertorlugu allannguutit qaammatit pingasut sioqqullugit.

Iluarsiinissamut siunnersuut – sammisanut tunngatillugu nalilersuineq

Ingerlatsinikkut matussutissanik naammattunik akuersisoqanngippat taava inissiaateqarfiit immikkoortoqarfii tamarmik, aningaasaqarnikkut ukiuni aggersuni missingersuusiortiusuni oqimaarsartinneqassapput.

Inassuteqaatilli akuerineqarpata pingaaruteqartut iluarsartuunnissaanut tulleriaarneqarlutik iluarsartuunneqassapput.

Ineqarnermut akiliutissatut qaffaassutaa akuerineqassappat, assersuutigalugu inissiaq 95,0 kvm. qaammammut akeqartoq kr. 6.103,75, siunnersuut 3,0%-ti qaffaassutigissavaa kr. 183,11 qaammammut.

Aningaasaqarnermi kingunerisinnaasaat

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunip aqunneqarnerat pillugu inatsisartut inatsisaat nr. 29, 17. november 2017-meersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa
Inissiaatileqatigiiffiup A/S INI-p inassuteqaataa attartornermut akiliutinik 3,0%-imik qaffaanissaq
ataatsimiititaliap akuerissangaa kommunalbestyrelsimullu aaliangerneq ingerlateqqillugu*

Aaliangerneq:
Inassutigineqartoq akuerineqarpoq.

Kommunalbestyrelsimi ulloq 12. September 2025 aaliangerneq:

*Aningaasaqarnermi Ataatsimiititaliap kommunalbestyrelsimut inassutingaa
Aningaasaqarnermi Ataatsimiititaliami aaliangerneq ilalerneqassasoq*

Aaliangerneq:
Suleqatigiit Borgmesteriutitaqartut inassutigineqartoq akuerinngilaat, piumasarineqarpoq
asserfallatsaaliinermut aningaasatigut qanoq kinguneqassanersoq qaffaassutissatut 3%
siunnersuutigineqartoq appartinneqarpat 1,5%-mut paasineqaqqaarusummat. Illuatungiliuttut inassuteqaat
akuerivaat.

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa
Inissiaatileqatigiiffiup A/S INI-p inassuteqaataa attartornermut akiliutinik 3,0%-imik qaffaanissaq
ataatsimiititaliap akuerissangaa kommunalbestyrelsimullu aaliangerneq ingerlateqqillugu*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 002-01: Immikkoortup 12-325 ukiumi 2026-imi missingersuutissai
Bilag 002-02: Immikkoortup 12-327 ukiumi 2026-imi missingersuutissai
Bilag 002-03: Ineqarnermut akiliutit pillugit missingersuutit
Bilag 002-04: A/S INI-miik aserfallatsaaliinermut kinguneqaatissatut nalunaarusiaat
Bilag 002-05: Inatsisilerituup nalunaarutaa

Aaliangiineq:

**Akuerineqarpoq. Periarfissaq attartortumiit pinginnittuunermut attartortunut
paasititsiniutingineqassooq.**

Sag nr.	Sammissaq	Bilag nr.	003
KOM 099	Suliareqqitaq: Inissiaatileqatigiiffik A/S INI-miik attartornermut akinut aaqqiinissamut missingersuutissatut siunnersuutit 2026	Journal nr.	

Uteqqiineq

Kommunalbestyrelsip ulloq 12. september 2025 ataatsimiinnermini piumasaraa ineqarnermut akiliummut qaffaanissamut appaasoqarpat aserfallatsaaliinissamut kingunerisinnaasaanik saqqummiusisoqassasoq aammalu inatsisitigut periarfissanik attartortitakkanut piginnittut isertitassaanut matussusiisarnermut saqummiusisoqassasoq.

Uanilu tamarmik ilanngunneqarlutik siuliani inassuteqaat allanngortinnagu summerfigisassanngorteqqinneqarput.

Suliap saqqummiunnera

A/S INI-miik missingersuutissatut siunnersuutigineqartut, attartortunut nassiutiginneranni piginnittuusut missingersuusianut siunnersuutit akuereqqaartussaavaat, missingersuusiallu aappaagumut atuutsinneqalinnginnerini tamanna qaammatinik pingasunik sioqqutsilluni ilimasaarutigineqareersimasussaavoq attartortunut.

Missingersuutitut siunnersuutit piviusorsiorsinnaaneq, pingaartumik iluarsaatassat annertuut aammalu akit qaffakkiartornerat aallaavigalugu suliaapput, taamaasilluni inissiaqarfiit immikkoortorta qarfiit siunissami imminut nammattumik aningaasaqarnertik ingerlassinnaaqullugu.

A/S INI missingersuusiatigut siunnersuusiorsimavoq allaavimigut qulakkeerniarlugu aningaasartuutissanik illikartitsisoqassasoq siorna aningaasartuutitigut naleqqussaanissaq pisariaqartitsineq naapertorlugu.

Ataasiakkaanili sipaarniarnikkut annertuumik ingerlatsisoqarpoq inigisamik akiliutit naleqqussarniarlugit pisariaqartitsilemnissaq annikillisarlarlugu, taamatullu inissialiornernut sanaartornikkut aserfallatsaaliinernullu akit qaffannikuunerat pequtugalugu.

Missingersuusianilu iluarsartuussinissamut matussutissaa innersuussutigavaat piginnittut pissarsiassaniik kr. 3.367.852-niik kr. 1.481.100-sit matussuserneqassasut.

Inissiaateqarfiup immikkoortua 361, Uummanaq, 365 Upernavik aammalu 375 Qaanaaq ingerlatsinikkut pisariaqartitaminnik qinnuteqaateqarput ineqarnermut akiliut 3,0%-mik qaffanneqassasoq, iluarsartuussinernut aserfallatsaaliinernullu suliaqarnissamut inissaqartitsiumalluni.

Iluarsiinissamut siunnersuut – sammisanut tunngatillugu nalilersuineq

Ingerlatsinikkut matussutissanik naammattunik akuersisoqanngippat taava inissiaateqarfiit immikkoorto qarfiit tamarmik, aningaasaqarnikkut ukiuni aggersuni missingersuusiorfiusuni oqimaarsartinneqassapput.

Inassuteqaatilli akuerineqarpata pingaaruteqartut iluarsartuunnissaanut tulleriaarneqarlutik iluarsartuunneqassapput.

Aningaasaqarnermi kingunerisinnaasaat

Kommunep najugaqarfiutai A/S INI-miit aqunneqartut piginnittumut akiliutit missingerneqarput katillugit kr. 3.367.852,- taakkualu piginnittumut ukiup naanerani tunniunneqartarput. Taannalu akiliutaasartoq maleruagassaniippoq.

Ineqarnermut akiliutissatut qaffaassutaa akuerineqassappat, assersuutigalugu inissiaq 95,0 kvm.

qaammammut akeqartoq kr. 6.103,75, siunnersuut 3,0%-ti qaffaassutigissavaa kr. 183,11 qaammammut.

Inatsisitigut tunngavigisat aamma toqqammavissiisutut allagaatit:

- Kommunip aqunneqarnerat pillugu inatsisartut inatsisaat nr. 29, 17. november 2017-meersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigaa:
Inissiatileqatigiiffiup A/S INI-p inassuteqaataa attartornermut akiliutinik 3,0%-imik qaffaassutissaq
piginnittut pissarsiassaaniik matussuserneqassasoq itigatissagaa, qaffaatissarlu attartortuniik
matussuserneqassasut*

Aaliangerneq:

Inassutigineqartoq akuerineqarpoq. Attartortut asserfallatsaaliinermut atatillugu saaffiginnittartut
pitsaanerumik sullinneqarnissaat piumasarineqarpoq.

Kommunalbestyrelsimi ulloq 12. September 2025 aaliangerneq:

*Aningaasaqarnermi Ataatsimiititaliap kommunalbestyrelsimut inassutingaa
Aningaasaqarnermi Ataatsimiititaliami aaliangerneq ilalerneqassasoq*

Aaliangerneq:

Inassuteqaat akuerineqanngilaq. Piumasarineqarpoq qulequttap siuliatuullit misissuisoqassasoq aammalu
inatsisitigut periarfissat saqqummiivigineqarnissaat kissaatigineqarpoq.

Aningaasaqarnermut Ataatsimiititaliap aaliangiinera:

*Allattoqarfiup Aningaasaqarnermut Ataatsimiititaliamut inassutigaa:
Inissiatileqatigiiffiup A/S INI-p inassuteqaataa attartornermut akiliutinik 3,0%-imik qaffaassutissaq
piginnittut pissarsiassaaniik matussuserneqassasoq itigatissagaa, qaffaatissarlu attartortuniik
matussuserneqassasut*

Aaliangiineq:

Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 003-01:	Budget afd. nr. 15-361, Uummannaq
Bilag 003-02:	Budget afd. nr. 16-365, Upernavik
Bilag 003-03:	Budget afd. nr. 17-375, Qaanaaq
Bilag 003-04:	Ataatsimut isikkua (Samlet oversigt)
Bilag 003-05:	A/S INI-miik aserfallatsaaliinermut kinguneqaatissatut nalunaarusiaat
Bilag 003-06:	Inatsisilerituup nalunaarutaa

Aaliangiineq:**Akuerineqarpoq.**

Sag nr.	Sammissaq	Bilag nr.	004
KOM 100	Nunaqarfinni Aqutsisuniit tunuarniuteqarneq aamma sinniisussamik naammaqqutaasussamik qinersititsineq	Journal nr.	

Uteqqiineq:

Nunaqarfinni Aqutsisuni ilaasortaq, Maannguaq Petersen (N), nunaqarfinni Aappilattoq, Naajaat aamma Innaarsuit qinersivianniit qinigaq, illoqarfimmut allamut nuuttusnaanini peqqutingalugu tunuarniuteqarnikuuvoq. Kommunit aqunneqarneranut inatsit aamma qinersinermut inatsit naapertorlugu kommunalbestyrelsip akuerisussaavaa tunuarniutaasoq, aamma partiip pineqartup sinniisussaaffimmi sinniisusaqanngimmat, naammaqqutissamik qinersisoqassanersoq Kommunalbestyrelsip aaliangertussaavaa.

Suliap saqqummiunnera:

Nunaqarfinnit Aqutsisuni ilaasortaq partii Naleqqameersoq, Maannguaq Petersen, nunaqarfigisaminiit nuuttusnaanini peqqutingalugu tunuarniarluni ilisimatitsinikuuvoq. Aqutsinermut inatsit naapertorlugu qinigaaffiup ingerlanerani tunuarniutit, kommunalbestyrelsimit suliarineqartussaapput. Uani toqqammaviusoq malillugu tunuarniutaasoq allatut aaliangeruminaappoq, illoqarfimmut allamut nuuttussanngornini toqqammavigimmagu. Tunuarnera akuerineqarpat sinniisussamik ikkussisoqartussaangaluarpoq.

Partii Nalerarli qinersivinni Aappilattoq, Naajaat aamma Innaarsunni sinniisissaqanngilaq. Tamanna peqqutingalugu Kommunalbestyrelsinut, nunaqarfinni aqutsisunut, ilagiillu sinniisaannut qinersisarnerit pillugit Inatsisartut inatsisaat §57, imm. 3 naapertorlugu naammaqqutissamik qinersisoqartariaqarpoq. Tamannalu tamanut periarfissaasarpog, partiit kikkuuneri apeqqutaanatik sassartoqarsinnaalluni. Taakkunanilu qinigaanerpaq naammaqqutitut nunaqarfinni aqutsisunut ilaasortanngussalluni.

Iluarsiinissamut siunnersuut – sammisanut tunngatillugu nalilersuineq

Kommunit aqunneqarnerannut inatsisartut inatsisaat nr. 29, 17. novembari 2017-imeersoq §41, imm. 3 naapertorlugu Nunaqarfinni Aqutsisunut qinerneqartussaapput Kommunalbestyrelsinut, nunaqarfinni aqutsisunut, ilagiillu sinniisaannut qinersisarnerit pillugit Inatsisartut inatsisaat nr. 27., 28. Novembari 2016-imeersoq naapertorlugu.

Inatsimmi §67, takuuk §57, imm. 3 naapertorlugu partiit katusseqatigiilluunniit qinersivimmi ilaasortaaffiup inuttaaruttup inuttalernissaanut sinniisussamik peqanngippata naammaqqutissamik qinersisoqassaaq, taaamaattoq §58 naapertorlugu kommunalbestyrelsip ilaasortaasa affaaniit amerlanerusut aaliangerpata, naammaqqutissamik qinersisoqassanngilaq.

Qinersisoqassappat sumiiffinni tamani qinersititsineq pissaaq, aammalu inuit partiilluunniit kikkuungaluartut sassarnissaminut periarfissaqarput. Qinigaanerpaajusoq qinersisarnermut inatsit naapertorlugu naammaqqutitut ikkunneqassooq.

Aningaasaqarnermi kingunerisinnaasat:

Isumaqatigiissut aningaasaqarnermut toqqaannartumik kinguneqartitsissanngilaq, taamaattoorli allaffissornermi sulisunit sullinneqarnermik kinguneqassalluni.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommunalbestyrelsinut, nunaqarfinni aqutsisunut, ilagiillu sinniisaannut qinersisarnerit pillugit Inatsisartut inatsisaat

Suliamik isumaginninneq:

Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliaq Aningaasaqarnermut Ataatsimiititaliaq Kommunalbestyrelse

Tamat Oqartussaaqataanerannut Inoqarfiillu il. il. Ataatsimiititaliami aalingerneq:

*Allattoqarfiup Tamat Oqartussaaqataanerannut Inoqarfiillu il. il. Ataatsimiititaliamut inassutingaa Maannguaq Petersen-ip (N) tunuarniutaa akuerineqassasoq
Aamma
Qinersivimmi Aappilattoq, Naajaat aamma Innaarsunni naammaqqutissamik ataatsimik qinersisoqassasoq, taannalu Nunaqarfinni Aqutsisunut ilaasortanngortinneqassasoq.*

Aaliangerneq:
Inassuteqaatit akuerineqarput.

Aningaasaqarnermut Ataatsimiititaliap aaliangiinera:

*Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap Aningaasaqarnermi Ataatsimiititaliamut inassutingaa
Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap aaliangernera ilalerneqassasoq*

Aaliangiineq:
Inassutigineqartoq akuerineqarpoq.
Aningaasaqarnermut Ataatsimiititaliap inassutigaa Kommunalbestyrelsip Nunaqarfimmi siulersuisut namminneq pisinaatinneqarnissaa tunuarniuteqarnermi uani qinigaaffimmi aaliangiiffigissagaa.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussaq:

Bilag 004-01: Nunaqarfinni Aappilattoq, Naajaat aamma Innaarsuit qinikkap tunuarniutaa
Bilag 004-02: Nunaqarfinni Aqutsisut allattorsimaffiat

Aaliangiineq:

Akuerineqarpoq.

Sag nr.	Sammisag	Bilag nr.	005
KOM 101	Fundraiser-imik atorfinitsitsinissamut, aammalu nalunnguarfinnik pilersitsinissamut atatillungu aningaasalersorneqarnissaanut misissuisoqarnissaanut siunnersuutit, Heidi Møller (D) aamma Jens NapåtōK (N)	Journal nr.	

Uteqqiineq:

Kommunalbestyrelsimi ilaasortaq Heidi Møller (D) politikikkut siunnersuuteqarpoq, Fundraiser-imik atorfinitsitsinissamut misissuisoqarnissaanut. Aamma Kommunalbestyrelsimi ilaasortaq Jens NapåtōK (N) siunnersuuteqarpoq, Avannaata kommuniani nalunnguartarfinnik pilersitsinissamik siunertaqarluni suliamik aallartitsinissamik. Suliami matumani isummerfigineqassooq qanoq ingerlaqqittoqassanersoq

Suliap saqqummiunnera:

Kommunalbestyrelsimi ilaasortaq Heidi Møller (D) politikikkut siunnersuuteqarpoq, Fundraiser-imik atorfinitsitsinissamut misissuisoqarnissaanut. Aamma Kommunalbestyrelsimi ilaasortaq Jens NapåtōK (N) siunnersuuteqarpoq, Avannaata kommuniani nalunnguartarfinnik pilersitsinissamik siunertaqarluni suliamik aallartitsinissamik. Aningaasatigut atorluarnissaanut aningaasaateqarfinnik, aningaasaleerusuttunillu suleqatissarsiorsinnaanermut atorluarnerusariaqarsinnaasumik. Aammali inerisaanikkut pilersinneqarsinnaasorpasuumik kissaateqartarneq innuttaasunik maqaasineqartoq oqariartuutigineqartarpoq.

Heidi Møller (D) tunngavilersuutaani, Fundraiser ilinniagaq illersungaangilaq taamaammat misilittakkatigut inerisarneqarsinnaasuvoq. Projektinillu ataqatigiissaarilluarsinnaasunut, pinngorartitsinermillu soqutigisaqartunut inerisarfiulluarsinnaavoq. Pilersitassanut projektinut aalajangersimasunut atorluagassaavoq periarfissanik aningaasanik atorluaanissatsinnut ammaassisoq, peqatigiiffeqarnikkut aamma annertuumik inerisaanissamut periarfissiisinnaavoq.

Jens NapåtōK (N) tunngavilersuutaani, ullumikkut naluttarfeqanngilaq, naak nalunermik ilinniarnissaq pingaaruteqarlunnaraluartoq taamatullu sunngiffimmi sammisassaqtitsinermik iluaqutaallunilu inuit peqqinnerulerneranik aqutissiuusillunilu pinaveersaartitsinermik assut pisariaqartinneqaraluartoq. Tassunga atatillungu innersuussivoq Avannaata kommuniani inuttalerneqassasoq, suleqatissarsiorsinnaasumik avataaniit aningaasaliisussarsiorluni nalunnguarfiliortoqarnissaanut tunngatillungu. Soorlu ilaatigut makku saaffigineqarsinnaasut siunnersuutaapput:

- Aningaaseriviit/Erhvervsfondit
- A.P. Møller Fonden
- Anlægsfond
- Tips lotto-mi aningaasaliissutaasartut
- Inatsisartut/Naalakkersuisut tapersiineratigut aningaasaliinerit

Iluarisinnissamut siunnersuut – sammisanut tunngatillugu nalilersuineq

Aningaasaqarnermut ataatsimiittitaliap innersuutigaa, qulaani allaqqasut malillungit allattoqarfik suleqatingalugu misissuiffigineqarnissaa.

Ingerlariaqqinnissaq

Ataatsimiittitaliap suliap suliarineqarnissaa akuersissutigippagu, allattoqarfik HR-mut suliakkiussisooq tassanilu misissuiffigineqartussanngorluni. Misissuinerit piareerpata Aningaasaqarnermut ataatsimiittitaliamut taavalu Kommunalbestyrelsimut qaqqeqinneqassooq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangiinera:

*Allattoqarfiup Aningaasaqarnermut Ataatsimiititaliamut inassutingaa
Allattoqarfiup misissuinissamik inassuteqaataa isummerfigineqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 005-01: Heidi Møllerip siunnersuutaa
Bilag 005-02: Jens NapåtōK siunnersuutaa

Aaliangiineq:

Akuerineqarpoq.

Ataatsimiinneq naammassivoq nal.: 09:55

Atsiorfissaq:

Mørch, Samuelson (A) _____

Kleemann, Knud (A) _____

Bro, Niels Erik (D) _____

Davidson, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napâtôk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____